



FORUM ZA ZAŠTITU OKOLIŠA OPĆINE LUKAVAC  
JU CENTAR ZA KULTURU LUKAVAC  
75 300 LUKAVAC  
ID : 4210185620009  
Žiro račun : 1321002015342915  
NLB Banka dd Tuzla  
Tel: 062 244 326  
E-mail : fzz.okolisalukavac@gmail.com

Br. 06-10-024

Datum: 24/10/2024

str. 1

## Saopštenje za javnost o podnesenim krivičnim prijavama Tuzilaštvu TK-a

Forum za zaštitu okoliša Grada Lukavac, od svog osnivanja se jedini bori protiv zagađivača životne sredine građana Lukavca.

Od ukupnog zagađenja, koje traje cijele godine 83% je od industrijskih zagađenja, ostalo je od saobraćaja, individualnih i centralnih ložišta. Najveći zagađivač je kompanija GIKIL Od 2008. godine imali su period prilagođavanja, a 24.01.2012. godine dobili su prvu petogodišnju okolinsku dozvolu. Prve 3. godine, znači do 2015. godine ministarstvo im je dalo period uhodavanja i odredilo daleko veće emisije otrovnih polutanata od dozvoljenih, primjer  $SO_2$  je  $3700mg/Nm^3$ , a po pravilniku treba da iznosi  $800 mg/Nm^3$ . Smatramo da je to za većinskog vlasnika GIKIL-a 51% PRAMOD MITALA bio povod za kasnije brutalno ponašanje i podčinjavanje pojedinaca iz sistema za svoje interese. Po isteku okolinske dozvole 24.01.2017. godine GIKIL nastavlja rad bez okolinske dozvole, zagađujući okoliš- životnu sredinu građana, čak i većim intenzitetom usljed učestalih i velikih ekoloških incidenata. Ovakvo brutalno ponašanje prema okolišu i životima građana rukovodećih struktura GIKIL-a sa vlasnikom PRAMOD MITAL omogućili su pojedinci i grupe iz struktura vlasti.

Iz presude Opštinskog suda Lukavac od 17.05. 2019. godine, iz iskaza svjedoka, mnogobrojnih dokaza prikupljenih od Tužilaštva i MUP-a TK-a vidljiva su sva zlodjela prema okolišu i građanima Lukavca. Prema građanima i Forumu za zaštitu okoliša Lukavac plasirale su se obmane, laži, fiktivni podatci o emisiji otrova i fiktivnih ulaganja. Nakon presude i svim dokazima o konstantnom činjenju krivičnog djela, ništa se nije promijenilo, naprotiv, situacija do današnjih dana je sve gora, prateći zdrastveno stanje građana, intenzitet oboljelih i smrtnih slučajeva. Predsjedništvo Foruma za zaštitu okoliša Lukavac je odlučilo da podnese prijavu putem Tužilaštva i prekine ovu agoniju koju preživljavaju građani Lukavca. Odluka je da se podnesu prijave i krivične prijave protiv svih odgovornih pojedinaca u kompanijama, protiv svih pojedinaca u sistemu koji su pomagali i učestvovali zbog ličnih interesa u prekomjernom zagađenju iz GIKIL-a.

Prikupljanje dokaza i pripremanje prijave trajalo je duže vrijeme. Početkom oktobra sve je predato tužilaštvu TK-a. Forum svoje aktivnosti nastavlja sa prikupljanjem dokaza i prema drugim zagađivačima životne sredine Lukavca.



Predsjedništvo Foruma  
za zaštitu okoliša općine Lukavac